

IN HIEREMIAM PROPHE-

TAM COMMENTARIORVM LIB.

tres, Ioan. Oecolampadio autore.

**V**ERBA Iirmeiahū, filij Hiskiahū, ex sacerdoti-  
bus qui in Anathoth, in terra Biniāmin.

Misericors deus, suam erga humanū genus dedarans  
charitatē, si quando maior rerū uel prosperitas uel ad-  
uersitas mortalibus obuētura esset, nullis nō seculis per prophe-  
tas & pios homines eam prædicere dignatus est, ut Esaias inquit,  
Non est uerbum, quod dominus non locutus est per prophetas  
suos, atq; adeo, ut si indigni essent homines, angelis doctoribus,  
qui primos patres docuerūt, uiros sortirentur angelicos, quibus  
deinde uel deficientibus, uel non satis proficientibus, etiam mulie-  
res excitauit spiritus domini, qualis olim Debbōra, & Hieremiæ  
temporibus Holda extitit. Quin & ipsa elementa certis nonnunq̃  
signis & prodigijs futurarū rerū admonuerunt periclitaturos:  
sicut apud Lucam testatur dominus, Erunt signa in sole & luna.  
Computa ab exordio generis humani usq; in hunc diem, & inue-  
nies seriem prophetarum perpetuam. Sed & illū diem iudicij terri-  
bilem, quem nos expectamus suus quispiam Eliās, & præterea  
prophetarū chorus præcurret. Multis annis Adam, & alij mul-  
tisedes (ut ita dicam) patres, quid aliud erant q̃ prophetæ? Neq;  
enim homines ante diluuiū, ut fingunt quidam, *πολυγονοι* ul/n  
go erant: sed eo miraculo soli hi conspicui erāt, qui beneficiorum  
dei alijs testes ordinati fuerant, tamen si maior hominū ad peccan-  
dum tum esset procliuitas, quā ut sancte monentibus aures præ-  
berent. Vbi aut maiores calamitates multiplicabantur, & clarior  
aderat prophetia. Apperebat catadysmus; & centū annis arcam  
fabricans, patientissime pœnitentiam optimus uir Noah prædica-  
bat, quamuis usque adeo nullo lucraretur, ut solus ipse cum pau-  
cis exitium saluus euaserit. Idem post diluuium annis aliquot do-  
ctor præfuit, cui Sem successit, quem Melchizedecum opinantur,  
qui usq; ad Abrahamū pertigerit. Vrgebat & Sodomitās dignū  
suis sceleribus horrendum excidium, & Lothum cognatū Abra-  
hæ sanctum habuerunt adiutorem, & quia salutem suam ne-  
gligebant